

鎮西廳鄉土志

卷之四

中國民族史地資料叢刊之七（內部參攷）

鎮西廳鄉土志

中央民族學院圖書館編

一九七八年 月

鎮西廳鄉土志序

儒者不出戶庭而知天下事。非徒才識學之過人。則必有統古今括中外以資學宮考鏡者。而後百代之沿革。五方之風氣。暨一切萬事萬物之理。無不可了然於心目。此志之所由修鄉土也。鎮西古月支也。東界伊吾。西隣渠犂。南枕火綖山。北襟蘇海圖。為夷狄遊牧之鄉。牛羊踐食之土。自漢魏以迄元明。或屬匈奴。伊吾。或屬鮮卑。蠕蠕。或屬突厥。伊州哈密。千百年來。久污夷俗。不染華風。投戈息馬者。未能講藝而論道。是則金天奧區。版圖不隸於職方。胡能援中原國史之例。事有實錄耶。迨我朝康熙間。始內屬。闢荆榛為田壤。易戈矛為耒耜。耕耘之暇。兼曉讀書。雖草昧初開。亦采風者所不遺也。不幸咸同後。天下多故。東南半壁失陷。玉關外僅留區區鎮西。色目猖狂。日肆焚殺。村落邱墟。廟堂灰燼。

四境外虛無人焉。軍民同心。力保孤城。雖羅掘殆盡。而不忍易析。枵腹從公。人
人有城存與存。城亡與亡之義。誓不偷生苟活。望花門而乞降。戰守之功。甲於
天下。誰則秉筆特書。以垂不朽哉。惟分省後。此郡為甘肅新通衢。商賈雲集。工作
日興。賦歛薄而農勤稼穡。考課嚴而士業詩書。不數載。登巍科擢高官者。往往
接踵而起。是雖崑崙星宿之靈秀。鍾毓一時。實蒙朝廷教養。頓改前古窮髮之
習俗。不能不與聲明文物之地同炳國書。緒昌承乏鎮西。修志檄文。急於星火。
遂不揣淺陋。勉強從事。但兵燹後。凡事草創。文獻無徵。欲以一郡之物產。百年
之故事。條分縷析。纂輯成編。非求助將伯。恐不免挂一而漏萬也。然一人之聰
明有限。而群英之見聞甚廣。有一人而能言數事者。有數人而共言一事者。會
萃群言。折衷一是。且碑碣有靈。屬毫可詢。不憚搜訪採擇。凡有關於人心世道。

者皆分類而臚列之。非僅以山川古蹟民風物產連篇累牘以塞纂修之責哉。雖然此特叢爾區耳。就各行省之鄉風土物勒為冊書。銘今鑄古。緯地經天。囊括海外而無遺方隅。包舉寰中而不形逼仄。遐者邇之。鉅者細之。散者整之。披覽間指五洲於掌上。羅千古於胸中。深者見深。淺者見淺。是殆新一時之耳目。以開世界之偉觀歟。

欽加知府銜候補直隸州知州署鎮西直隸同知閻緒昌謹序。

鎮西廳鄉土志序

徵文獻於百代。考風氣於五方。非志無以徵諸實。而扶其要。蓋志者記也。記其地之風土人情。品物恆產。建置之沿革。人物之盛衰。山川之險易。道里之遠近。不難按冊帙而豁然於心胸。此修鄉土志之所由起也。鎮西古之月氏。亘古無考。自漢唐以至元明。皆歸荒服。名稱不一。後為準噶爾游牧地耳。我朝天威震懾。無遠弗至。康熙間。戡定準部。始隸版圖。乾隆中葉。招關內之商旅。作塞上之屏藩。辦地土之瘠腴。審氣候之寒燠。編氓列戶。營兵屯田。始設官以分治焉。城分滿漢。營別旗綠。駐領隊以專理。設府縣以分治。民事。鎮西東接天山。西達奇古。南通伊吾。北連喀爾喀蒙部。幅頓千餘里。枕山帶海。險扼全疆。路達南北。屹然稱為重鎮。駐總兵以資彈壓。統中左右城守各營旗。右營專屯田。備兵

賴於是兵悉隸籍民咸家居歸農者闢草萊勤稼穡移渾噩而進文明孺子咸知詩書行伍勤於操練悉重干城之選不失忠愛之忱風氣丕變人物迭興興學校講武備擢高官登顯秩非復義鄉舊屋之鄉已化犴草狍花之士未始非我國家教養涵濡有以致之也咸豐初裁撤府縣特設同知同治間花門倡亂蹂躪全疆南北一帶先後失陷而此地獨賴以全者蓋由兵能用命商不愛財士庶之富者助資貧者勸力上下一心同矢忠君愛國之忱故雖外則賊匪環攻內則饑饉游臻而甯軸者籌備有方以逸待勞幾經寒暑而無間可乘謂非衆志成城之明效哉光緒己卯大軍底定烏魯木齊鎮西為轉運孔道而民困稍蘇較當年數十存二三乙酉建設行省招墾通商而底富可期無如天時不調寒燠失宜前之瘡痍未服後之殘喘更甚所幸恭逢聖明舉行新政納斯

民於軌物。飭查鄉土。勒為成書。按版圖而知利弊。痛加剪除。徐施教澤。俾鎮西士講道德。農安耕鑿。工習技藝。商通貨財。俗敦儉樸。風尚龐古。人物風規。山川形勢。歷歷可考。不難與內地並駕而齊驅。特於志書。則前賢有志未逮耳。疊奉。上奉檄電交催。迫不及待。治斯郡者。乃武銜閩公。績卿以修志為急務。不以南之魯鈍。邀同採訪編輯。南懼弗勝任。力辭不允。當邀郡之孫樹聲廣文。同為創辦。並商之紳耆鄉老。事有傳於耳聞者。不妨親身領悟。有宜於昔而不便於今者。不妨斟酌損益。總期事實際。詞無泛設。臚目二十四條。分類編記。天下事出於因者易為力。始於創者難措手。鎮西舊無志書。欲考鄉土。非旁搜博覽。不能歸諸實在。故凡採一事。編一類。均經審定。始為彙入。此志告成。謹呈列憲。嚴加考覈。彙集全省圖志。以課生徒。將見人才接踵。風俗丕變。富強立致。豈猶是

曩日之鎮西也哉。是為序。

翰林院典簿銜溫宿府訓導現署鎮西廳儒學訓導高燿南謹序。

鎮西廳鄉土志

創修

知府銜新疆候補直隸州署理鎮西直隸廳同

知 閩緒昌

編纂

翰林院典簿銜溫宿府訓導署鎮西廳訓導 高耀南

新 疆 候 補 訓 導 歲 貢 生 孫光祖

校對

新 疆 候 補 教 諭 貢 生 李鴻儀

優 廩 生 李永發

優 廩 生 楊希震



藍翎六品選用巡檢附生趙寶田

增廣生李鴻儒

附生潘樹基

附生劉恒善

附生尹希鐸

附生蔣文海

採訪

丁酉科舉人田種德

戊子科武舉王兆琳

前巴里坤鎮標右營遊擊孫淵椿

歸部選用府經歷縣丞李常年

五品銜儘先選用縣丞馬琳

儘先選用縣丞馮永福

選用從九黃順元

選用縣丞蔣德璋

選用縣丞梁國材

選用縣丞王添福

選用從九趙萬魁

選用從九謝湧海

選用府經歷歷駱福昌

職名

選

用

巡

檢梁吉升

從

九田西成

守

備馬仲才

守

備劉萬慶

守

備周得貴

監

生郭彬

鎮西廳鄉土志

目錄

疆域

山川
附坤郡通里

戶口

田賦

學校

城池

官制

營制

古蹟

仕宦

人物

廟宇

忠孝

節烈

屯田

馬政